

琴

隱

園

詩

集

琴隱園詩集三十三

武進 湯貽汾 雨生

琴隱集

丁未

九月廿六日汪龍溪虎溪昆仲過園畱飲卽席口占

兼訂餞秋之約

二酉休窮索雙丁已並傳同傾竹葉酒莫負菊花天老病
疎筇屐情懷託簡箋請君旗鼓整還有餞秋筵

劉焯齋都尉招飲卽贈

君家益陽寄籍合肥以揚州衛守備引疾僑寓白門

客窗風月好寂歷似空山家在楚吳際官居文武間有愁
能釀病不俗卽工閒每過容狂醉同將禮數刪

孫壻關曉巒從龍以騎都尉改官安徽郡丞入觀

告別寄此贈行

匹馬朝天去親顏喜可知官兼文武列才自古今宜人海
交須慎君恩報肯遲歸來看領郡光耀到茅茨

王子梅鴻六客圖

六客成嘉會千秋此畫圖文章動天地肝膽照江湖一瞬
十年別相逢老淚枯停杯看抵掌無恙喜雙鳧六客中有張甥仲遠
近宰武昌君來自武昌藉悉近况

王海門大淮大令撫松遺照

此是大夫松不識東籬菊倚松發三歎天械久拘束未賦
歸來辭忽傳蒿里曲松是君甘棠遺民日來哭

盜詩圖爲子梅作

到處尋詩瘦馬忙詩城少卻酒兵防錦囊探去君休惜且喜無人壓土囊

一生心血付東流瘦馬奚童且共休多少儒林文苑客拾人牙慧亦千秋

集七十以上者廿人於不二菴菴主忘菴爲作圖

都是倉山畫裏翁

往歲師禹門集諸老於隨園有圖紀盛

琴樽還對菊花叢

本來結社宜方外

同集有朱嶽雲鍊師髮殘上人

偏有忘年未局中

未至者六

人半畝園林人代謝

庵本龔半千半畝園

一天風雨展西東

是日雨已

無嘉會堂前客又見吟箋四壁籠

與張古餘孫尹圃諸公同會八人惟予在矣嘉

會堂古餘故居

不怕狂吟古佛瞋詩腸酒膽見天真半生本是騷壇主七
十方爲末座人綠柳池亭重入畫菴有半畝園圖半干白
與諸詞人詩皆在焉
頭言笑劇相親何須更覓烟霞藪著得吾曹便少塵

仲冬廿二日張公子子和招集陶谷舉消寒一會卽
贈會者七人青甫月坡玉年虎溪祥甫

姓名猶復記長鬚風景依然一歎吁三世交情醇酒厚子
和
大父松菴司馬尊甫澄齋太六朝遺迹老梅孤谷有老梅
相傳六朝
守皆常文酒過從下世久矣
殘年乞米收新帖嘉會消寒續畫圖不怕翟公門似水
莫教陶徑偶然蕪

眞率居然賓主忘花前蠻榼鬪芬芳少年人妬老人壯過
去日輸來日長傑閣三層山四面清溪一曲木千章此中

詩意無窮在辦取工夫白戰忙

醉後爲伴梅山館老梅寫照因題

少日畫梅不用筆鐵幹霜葩指頭出老來中指如駢薑放
筆時還愁腕脫白門老梅不多見陶谷猶存六朝物當年
欲畫空蹉跎主人閨苑悲長別今朝醉倒老梅下八尺藤
箋一聲裂拍肩呼起金壺翻丈几繽紛落香雪老梅念我
勞精神忽發古香沁骨此圖年壽復何如不出此山終
不滅種梅人去知爲誰伴梅代謝無窮竭畫梅又豈老夫
獨後世誰還指爲屈擲筆歸來仰面嗟萬古茫茫一輪月
廿八日雪中集隨園爲第二會懷主人又村

幾回荷淨此招涼又見寒梅發古香祇有林泉宜我輩更

無風月在他鄉魚龍海國驚魂散
貔虎邊城戰骨僵
籌筆頗聞帷幄苦
人間有幾聚星堂

柳谷春回一縷金
寒泉淅淅弄琴音
三分水竹開詩境
百尺樓臺現匠心
載酒頻來猿鶴識
思君不見鯉鴻沈
推袁道有風流守
猶戀長松獨苦吟

又村權武進丞桂星垣太守極器重

黃南坡太守招同魏默深刺史童石塘司馬陳雲海

孝廉雅集寓園有作

探盡驪珠不濟貧
奈他輕燕掌中身
笙歌最好消良夜
壇坫稱雄到美人

小叢女校書善書畫

歸路忽驚三尺雪
酡顏都覺十分春

時新葺亭廊

十二月七日集邢氏緣園爲消寒第三會卽席兼懷

主人子尹明府

且向殘年樂共尋何殊少長集山陰園亭暢好宜佳味
榼尋常亦苦心雪意欲留長夜飲松聲猶作六朝吟故山
如此足娛老尙愛河陽花滿林

十六日集汪氏好園爲第四會

肉屏人莫笑儒酸斗室圍爐早辟寒避債殘年同酒國嘔
心綺歲奪詞壇芻雞瓦狗亦雙絕詩虎酒龍真二難謂汪
虎溪
兄弟九九光陰消未半幾番春信到毫端時爲諸
君畫梅

梅村飲酒歌贈梅村子

我生百不逮古人惟有飲酒追前哲十年熟讀種樹書手
種寒梅已如鐵朝朝醉倒老梅下此樂人間知者寡忽聞

高隱有同心便欲梅林杯共把玉龍酣戰三朝昏是梅是
雪無由分不知何處君家村南村北愁無路野鶴工尋
栖隱處半是梅香半酒香和雲飛入青天去君不記白鷺
洲江潮高出石城頭酒鑪翻落晶宮裡提壺喚人眠不起
荒塚纍纍一滴無何如早學梅村子

廿七日雪中集周樂仲古藤書屋作第五會

依然桃葉接芳隣鴻爪重尋亦已陳連里竟街拚易主

樂仲

將遷居
中正街

大盆圓坐快娛賓看花隔霧我先醉使筆如風句

入神三白催年簫鼓競頌椒還讓掃眉人

樂仲孺人
工翰墨

戊申

年七十一

正月六日同人過集琴隱園作第六會

檐烏嘯嘯犬信信竹外斜扉剝啄頻吟侶多年都憶我草
堂今日正逢人菜羹也博花前醉梅額空尋鏡裏春時以五雲
透光兩古鏡傳觀座上葉符洪武船奪錦清暉才子筆籠紗詩句一番新兩時分賦
符皆予所藏

十三日集侯氏環勝園作第七會

垂楊手種已藏烟四面山光撲几筵石友木公同壽宇崑山
石黃山松皆青甫友人寄祝青甫八十壽者特屬同人賦之孺人稚子盡詩仙龍頭天
許魁千叟牛耳君期主百年翻倒葡萄三十斛莫嫌狂客
愛流連

二十日集緣園作第八會

償取緣園未盡緣興來益覺酒腸寬一時月旦論文盛二

老風流繼武難

柱帖為袁子才先生題王夢樓先生書記當年文酒之盛

松欲化龍朝

玉闕仙常跨鶴憩驂壇

主人善扶鸞

林亭亦有興衰感羅綺簪

纓夢總殘

贈地師王孟修即題其抱琴小影

君身有仙骨踽踽獨無儔欲訪山中客同為海上游五陵

尊石馬百雉享金牛一瞬滄桑過人間少十洲

題徐子楞茂才詩稿

故里返無友詩人獨有君一編心欲醉片語手還分橐筆

懷青眼攜琴愴碧雲至情誰得似殘客正紛紛

送劉清谿

同纓

司馬奉諱歸里

江天渺無極去矣奈離愁薄宦空三釜全家寄一舟世情

嗟幻蜃至性泣眠牛雙鯉來應早知君念白頭

嘲孔繡山憲彝舍人

落筆驚天地論交一死生千秋先在握萬里盡知名君多海外

交忽駐江干馬曾騎海上鯨君嘗從宦鹽城好聯新舊雨同勸合

歡醒時賢壻方氏

小住爲佳耳知君意若何壻鄉風月好水國鷺鷥多且訪

蕭家寺還聽商女歌重逢非易必況我鬢雙皤

繡山過訪琴隱園畱飲次見贈韻

莫訝青山入未深年來閉戶只孤吟補牢每恨遲聞過秉

燭從嗤枉惜陰竹裏焦桐和月抱花前玉乳帶雲斟何期

一笑逢雙屐不讓嚴公棨戟臨時乞題琴隱園雅集圖係陳芝楣宮保攜客過飲使

其客黃穀原主
薄寫以貽予者

張子和招集陶谷時芍藥盛開

每覩翩翩感鬢皤看花隔霧恨蹉跎又因婪尾開筵盛不
費纏頭買笑多六代繁華猶未盡三春富貴忽重過貧家
畢竟酸寒相伴我空憐雙月娥琴隱園今年祇白芍藥二
枝東野詩月娥雙雙下
醉鄉無處不亭臺憶昨消寒第一回急就詩成茶未熟早
開花盛客剛來湘霞不改神仙宅巖穴常儲輔佐才只恐
岫雲容易出那能長伴草堂杯

夏日于蓮亭觀察黃澄齋明府程小槐太守孔繡山

舍人集憑虛閣繡山將還曲阜至京寫圖贈別兼

懷黃樹齋少寇

我愛玄武湖綠波間芳草

湖中有五洲

白鷗滿汀洲三兩漁村

小蓮葉何田田柳絲亦裊裊荒園偃古堞乘興時幽討山
僧見我來爲我勤灑掃開閣烹清泉隔林送幽鳥湖光映
山色對此開懷抱莫愁非不佳衰慵憚遠道此亦勞躋攀
傑閣出林杪熟遊力忘疲未到心已了笑殊我別墅徜徉
可終老亦有獻曝忱獨樂近懷寶花月羅朋儔嘯歌失昏
曉醉墨紛龍蛇金仙知永保所嗟聚散頻終負風光好予
居白門十餘年君來亦偶爾明知別期早空囊愧羞澀何
屢腸客於此物寸心表湖山持贈君歸橐烟霞飽庶免長相思舉首雲
天杳惟予嗟索居知音久已少爲語舊遊人胡不尋鴻爪

送繡山歸里至都卽書其集

十載神交握手遲
瀟瀟風雨遍尋詩
東南壇坫新增色
博得才名草木知

龍不曾騎引鳳遊
一雙飛去鳳池頭
可憐老淚無揮處
滴入吟編到嶽樓

對嶽樓君里中居也

愛園銷暑偕周子堅大使嚴敬村明府王竹安馬星

齋兩上舍卽題愛園圖示主人曹愷堂典籍

漸見江湖逼四鄰
多君開閣尙娛賓
不知粉黛當筵妬
其

愛芙蕖出水新

池漲荷盡沒頃始見花

紅友工畱千里客

子堅敬村皆遠至

蒼官應憶六朝人
更無故燕知王謝
珍重青山數筆皴

本園

故友汪均之故居圖則予與同人會作者

何夢花得漢永壽元年孔君碣於孔林牆外黃小松

易爲寫林外得碑圖乾隆癸丑事也道光戊申夏

日令子方穀棟以圖索題題者半予故人仙去多

矣

五夜飛千雁知君自易堂

夢花有千雁圖索題於端木鶴田被竊予時攝湖州爲大索不

得自是始知君名天涯遲縞紵地下感文章片石有遭際

故人多慨慷鳳毛爭不朽非獨守青箱

書廬止泉學正八十自述詩後卽以爲壽

江湖入我室几榻覺驚浮門庭寂鳥雀但見纖鱗遊詩筒
忽在手慰問來蒼頭一月阻往來慨此歲序流憂情寄柔
翰氣勢奔驂驅臨風快擊節不覺五體投

堂堂八十載汨汨三千言悲歡與離合瑣屑難具陳回頭

一春夢過眼千浮雲妻子有不知何況後世人多君工自述豈獨諗子孫亦知私淑者代遠煩考論

名實兩相副君子辭其名世人名過實虛譽徒紛爭先生啞然笑遂有遯世情挂冠二十載悟徹最上乘我雖味禪理樂靜亦寡營同心豈易得所愧學無成

集園識而始後乃契闊久不意稍唱酬嚶鳴獲良友奚必縞與紵氣類自相偶堅之以婚姻世世漆膠厚所期宅相佳無忌得似舅彼此皆異鄉良緣豈常有

讀書破萬卷貴有用世才紛紛諸侯客不過鄰與枚惟君重帷幄首務民生培片言關治亂識定天可回功高不自有德厚敷九垓宦情固所淡報子以耆鮓

文端

山陽汪公

河人師師恩老難忘君門多肉食瘦羊孰相餉

居然樂浣花清俸餘

君貺置身邱壑間高臥羲皇上平

生慎取與古人肯多讓天與君不辭與君壽無量

緬昔八十翁渭濱帝共載封侯有平津討亂聞呂岱亦有

張長沙生男萬人怪嬰鑠增勞辛栖遲保安泰吾子有道

人杜門長養晦清心更寡欲此身堅不壞

白下耆舊多年年一高會半畝得廿人

龔半千故居半畝園今爲蘭若子嘗

就其地會七十以上者廿人

一千六百歲殘年交益厚此語出肝肺

熊松

樵太守年八十二卽席斯人渺何許盛筵猶未再風月秋

正佳清興不可敗諸老歡登堂莫辭添酒債

一年兩曾孫十年增二十一畢婚娶并竈恐不給東鄰

正求妻西舍方謀妾羨君且妬君但道福難及豈知積德
人多男自天錫天錫方無窮行看旌七葉

幼見百歲坊人傳林太守太守老益壯坊成四郊走日攜
八十兒再拜謝賓友百齡亦尋常強健期君偶所慮雞窠
中筆硯難隨手腕脫愁雲初年年詩自壽

戊申秋猝遭大水小園竹木靡有孑遺牆摧屋敲琴
書盡毀徹夜不寐惘然成詩

排闥潮來雨又傾魚蝦爲侶世緣輕直同東海連西海猶
道南城羨北城轉悔琴書遲未典縱添竹木老難成從今
敢笑王君貺蓬華經營竟一生

君暇自少年營宅至於老死

盈盈終日鎮相望欲寄相思雁斷行老友更誰招近局衡

門卻似夾清漳洗兒盆小蓮花筏濯足泉渾豆蔻湯破夢
秋聲悲蟋蟀東鄰猶有未崩牆

夜夜空林叫餓鴟村村急浪逐流屍江湖滿地生無路襁

負如雲死孰知厚德正宜當此植衰年不暇爲人悲方欽

遠慮儲豐玉非是沽名博去思

白門豐備倉
陶文毅所創

鍾山欲改舊時青見說荆襄勢建瓴破壁蛟龍何狡獪

民災

力難遠徙者散處巖巒
岡阜間戚里各不相聞

入雲雞犬亦伶仃固知託足高爲

貴所恃平生險慣經家具也無書卅乘一枝底處借都亭

墨溪上人招余避上乘菴

蛙鳴瓦釜螳緣枝人似姬隅亂躍池底事蝸牛無寄處華

嚴樓閣現多時

不信滔滔尚有涯也知世界是琉璃一袈裟地猶無恙畢
竟降龍讓阿師

中秋李將軍

廣金餽饌

忽把波濤換棘榛四方多難此佳辰也知矍鑠閒無用食
肉猶期腹負人

借問何人飽肉糜枕流高臥也忘飢殷勤勸我加餐飯斫
柱薪殘析屢屢

懷不二菴主僧忘菴時遭大水示疾

無地可跏趺千金奪一壺筆端皆涕淚牀下卽江湖舉世
何人問空山此夜孤病魔當遠遁慧劍不愁汗

避水滌樓

佛燈分我讀巖桂共誰觴

古桂盛開

幸有栖鷺處嗟無飼鶴糧

庭空雲作伴戶壞樹爲牆轉得蕭閒趣樓臺接小倉

大悲菴值忘菴上人亦避水居此

去來輕野鶴天海白茫茫豈有杯能渡都無葦可杭孰知

大法力同厄小滄桑一笑空今古休憐半畝荒

師居半畝園龔半干

故居也

孔寶臣刑小尹袁薇生汪龍溪攜酒過滌樓

知我無聊甚相攜載酒來不嫌鐘後打剛及桂初開寶笈
何人渡飢鴻滿地哀杞憂毋自苦試聽鉢聲催

九月二日隨園主人招飲

玉鏡銷紅粉傷心此畫圖

時芙蓉方開內子雙湖嘗寫橫塘蓉影圖

壺觴先九

日風雨到雙湖詩是君家牘山無我輩孤樓頭望歸路暝
色上浮屠

九日晨登擁青閣

四山烟霽見晨曦落帽風狂病骨支先我登高輸牧豎松
顛吹笛已多時

小閣巋然數百春穿雲一塔閣爲鄰農家亦有凌雲閣四
面波圍不見人

永慶寺南有地幽勝竹木陰森曲池迴繞行吟登嘯
勾畱許時遂悠然有卜居之思

空閣無人老樹尊幾時臨水闌柴門那知虎踞龍蟠地得
此花明柳暗村與佛作隣堪結社依山列屋易成園安居

不畏蛟鯨虐高擁書城到子孫

獅子窟別業落成 并序

圓通寺左偏有圃可四五畝予偶然得之中多果
木左右二溪養魚種芰西南北蜿蜒岡阜東爲鍾
山予欲面東結廬適圃中有梁棟存售者若預爲
予設遂不日成之又前遊西山村落得詩有誅茅
意乃與此景畧同殆前緣耶此地古名獅子窟廬
成卽書爲額而詩以落之

一瞬投簪十七年愛山誰贈買山錢奇逢不信詩成識晚
境宜同佛結緣亦有桑麻塵外世縱來車馬飲中僊安貧
也得籌生計種樹經容子細研

關雞坊畔碧重重竹屋書聲烟寺鐘天與谿山成逸老誰
攜風月伴孤踪豈同兔窟圖高枕只比獅林欠古松抱甕
從今閒不得且憑身健作花農

半種名花半種蔬桔槔俯仰權籬疎懸金千寶馴飢雀夾
鏡雙溪樂戲魚排闥山青湘簟冷環庭竹翠石牀虛此中
歲月無寒暑豈獨幽栖畫不如

林亭瀟灑卽蓬瀛去住無常一笠輕猿鶴合煩監酒國蛇
龍不畏破詩城風輪雨櫂都無夢春韭秋菘自有情儘把
餘年消樂地好將幽賞補勞生

哭忘菴上人

醫來還說病當瘳腸斷琳宮卽玉樓死不久眠猶默坐生

原強項肯低頭

公治命寂後龕藏侍者慮腰項難支而竟昂頭端坐無異生時

千金脫手

萬緣盡

公遊橐頗饒既瞻其弟復布施諸僧而逝

一藝成名百事休

公擅繪事靈運

何須眞作佛知君只願豹皮畱

獅窟書感

空山籟寂一燈親往事思量倍愴神開徑早成獅窟識

余權

江甯城守嘗葺小齋攤書不見兔園人

亡弟駿卿嘗讀書詩窟

板輿

已失花間養紙閣難偕廡下賓小築也應名獨樂樂中悲

可向誰陳

圓通寺有董思翁書獅子窟三字舊傳翁嘗讀書窟

中而余適得翁遺像懸之新居並題以誌

董帷曾對蔣山開牖有鳴禽伴古梅

窟中梅桂傳公手植筆陣畫禪

雙絕噪原知都自讀書來

批風抹月此丰裁遺像空山老衲陪應有蒼官曾識面華亭鶴去望歸來

嘉平月十一日王蔗鄉集同人爲消寒會

已過持螯采菊天黃梅又爲索詩妍山家高會尊菰韭騷客豪情託管絃酒入俠腸成熱血身安蓬戶勝飛仙舊時同社嗟萍梗隻履無踪更愴然

去年同會孫月坡袁薇生周樂仲皆客遊石船上人

寂圓

龍溪虎溪伯仲席上作

高唱清談瀉玉珠諸君豪氣邁江湖一塵不著九霄鶴六合忽周千里駒智若愚真古愚者醒而狂豈世狂徒我曹

行樂無如飲有日長鯨見海枯

題于蓮亭茅山紀遊詩後

念頭灰冷賸遊情語帶烟霞夢亦清呼吸也知通帝座高吟不怕古仙驚

窮幽訪古亦尋詩剔蘚捫苔樂不疲多少磨崖名姓在干

秋只重館壇碑

館壇碑貞白所書今不在矣

五日遊蹤古鶴羣山靈應共賞奇文歸來何物貽兒女袖

裏青黃洞口雲

濟勝輸君腰腳堅少文非惜杖頭錢茅君笑我無仙骨詩

債遲今五十年

嘉慶初予試牒金陵屢與同官約遊未果

題陳叶篴

填

三山紀游圖

兩點金焦照眼明
畫中卻是有詩情
怪君何事不高詠
只怕魚龍靜夜驚

浪跡江湖數十年
閉門今日始安眠
乘風破浪輸君壯
直到天河織女邊

奉賢徐小滄明經乞題其母夫人清芬集

鳳燭燦孤花
鸞鏡照隻影
寂寂綺窗中含悽對清景
事姑既竭力負土增悲哽
梧楸日摩挲聊代晨昏省
教子子成名綽楔榮里井
我母不及養竊祿慚鐘鼎
苦節三十年史冊難陳請
先慈楊太夫人以年逾三十而寡不得旌
腸斷斷釵詩驪珠日星炳
先慈有斷釵絕句二章李申耆舊言集吳仲倫初月樓聞見錄完顏太夫人國朝正始集皆載之海內和者數百
松楸不能守風雨徒延頸
有子不如無此恨終天永

琴隱園詩集卷三十四

武進 湯貽汾 雨生

獅窟集

己酉 年七十二

亭成

學道祇求靜入山何必深有時成獨醉無日不閒吟心跡
雙溪水笙歌百鳥音尙期樓四面高出翠微岑

壽張小山 一桂 司馬次自壽韻

思君不見日如年安道康強道勝前身顯何如年壽永金
多那及子孫賢長城不壞傳詩國 令子春卿茂 儉歲常豐
寶硯田本是江湖游俠客而今抱膝獨全天 才亦工詩

金陵逢許梅甫

蔭基

忽擲畫眉筆兼拋相笏經重逢頭已白此地眼誰青艾易
三年畜丹難九轉靈可憐囊似洗一硯寄橋亭

不二庵懷忘庵

桃源前畔路柳谷半邊村已矣無雙士蕭然不二門池荒
鷗夢斷屋漏佛燈昏拂拭期游客滄州壁尙存

贈鄰叟

鬪雞開南獅窟北有竹千竿桃李白翛然喜與吾園鄰屢
游不識園主人溪上烟鬟爾無用昨隔松頭謝相送鄰樹過高
礙予看山鄰子尙餘籬角萬條金藏取鶯聲兩家共我今
新芟乍見鍾阜種樹將成林鄰亦時來憩樹陰野人食力不求祿一生淡

泊無貪心我識君遲徒自苦白頭才作園林主亭成楚頌
費綢繆坡老傷心老羈旅君不見平泉金谷都灰塵多金
足穀往往不保生前身又不見蛟龍一旦翻城闕四野哀
號堆白骨鄰叟安居總不知舉頭但見干林實

送月坡之浙

邈無不利貧如此歎爾愁多鬢又華酒沸靈臺成熟血春
胎斑管放奇花六朝風月他年夢一棹烟波底處家亦有
樓臺雄七寶豈應書劍老天涯

題于蓮亭同年會圖

君乙丑同年二百三十三人丙
中秋會於都下者曰史荔園朱

椒堂帥海門何仙槎趙秀峯姚伯昂特芳山徐香
垞陳葦田張鶴村穆鶴舫彭春農徐星伯郭鶴眠
及君十五人而
已春農爲之記

東飛伯勞西飛燕人生那得長相見當年同看長安花玉
貌翩翩驚鬢華把臂須當飲一石黃金臺下塵千尺儉歲
常豐陸氏莊龍門何故生荆棘卽今君亦魯靈光君座主英煦齋
相國題云當年來謁豔門牆今日相看各老蒼回憶頭聞三舊侶衰翁亦屬魯靈光耆英會上開詞
場老夫讓此出頭地言猶在耳君其當二百卅人同對策
河聲半落山陽笛金殿祥雲散幾時姓名豈復平康憶亦
有夔龍賡喜起雙鑠頻聞錫杖几功成自合良弓藏丞相
甯願赤松子華裾織翠金環搖昔稱刎頸今絕交區區聚
散更何論鴻雪迷離又誰問面朋面友隔面忘多君生面
留縑緗此非塵附非霧集亦非交呂攀嵇狂展卷相思情
獨厚滄桑萬事難回首盛肥丁瘦兩難知誰復山中其菰

韭承顏亦忝山林友雅集圖中濫竽久角藝談元又一時
後五百年誰不朽君不見曲江春色自年年文采風流箭
絕絃麒麟高閣還灰燼不及君家故紙堅

謝友贈桃林

珍重綏山種難忘愛我情花穠消豔福實大享長生閉戶
成幽洞連山現赤城杜陵欣一醉今日草堂成

杜詩奉乞
桃栽二百

根春前爲
送浣花村

壽劉焯齋都尉八十

我交劉彥度蔣山實爲介君來買風月我來鬻書畫一瞬
十七年一年幾高會會輒十數入嬉游動連袂行樂貴及
時陳跡飛鴻逝君今政八十策杖轉嫌累昔逢南極翁許

君壽百歲

君有夢徵

去日縱苦多來日方未艾積善自古昌豈

惟年壽大分箋索贈言敢以諛辭媚君家世受祿朱紫等

拾芥亦有負郭田不須躬秉耒閉門雞犬安雖貧無望碍

兒孫自多福豐膏由天畀米鹽瑣屑間奚容亂人意願君

善陶情舉世蜉蝣寄艱難莫吾若曠懷愁自避年亦逾古

稀吾身吾自愛靜者皆吾師卽今師具在陳翁太古九十

五桂翁

溥

九旬屆更有侯

雲松

馬士圖

廬澤

年俱八十外

王德輿

沈琮

君齒同包

世臣

劉承澍

于克襄

又次或能百

鈞舉或能五車記或逐奔鹿狂或聞鬪螳細或可察毫芒

或猶御姬侍游或千山遙啖或十肉費險韻或爭先雄談

或忘寐或歌響遏雲鐵板銅琶厲或舉筆如椽畫壁摩巖

戲眼底有千秋胸中無一事非關導引功但堅慎愛戒此
皆葛天民奚止熙朝瑞春光爛如錦春酒正堪醉西山
有小圃與君家衙對抱甕常逍遙頻詣菘韭味得閒胡不
來脫粟供猶易容招諸老陪談笑無猜忌兵戈幸已靖洪
流亦疏治時和歲且豐擊壤宜吾輩優游百不知蓬島何
須翼時有以丹
術進者

獅窟漫興

雙溪百卉獨家村溪上紅亭溪外門只怕春來鶯不到環
溪種得柳千根
種罷葡萄又紫藤安排幾處納涼棚藕花香裡魚竿下默
似禪牀入定僧

那得知音送酒頻風前難免脫頭巾平生辛苦酬時少只
有黃花不負人

曝背南榮酒一瓢兩添棉亦勝華貂推窗又愛鍾山雪宣
德銅爐四面燒

初宿坐破蒲團室

蕭然一榻萬花薰襪被青衫臥白雲幾卷殘書付兒輩只
將山色兩邊分

此心久似井無波瓶罄囊空且嘯歌亦有閒愁來枕上者
番風信落花多

蓮亭舉耆會於隨園七十以上者十人程仲蘇太守
孔繡山舍人王雲卿茂才與末坐焉時予未有詩

次年蓮亭將還杭州索予補作卽以贈行

溯我交張公

古唐陶山茶餘山

方山已仙去觴咏六七八人怪我來何

暮歡會能幾時時聞歌薤露續聯十客多半又玉樓赴最

後師海州隨園集鷗鷺會者廿四人周甲俱來附再集半

畝園方外同賡句

予舉耆會於不二菴始入方外二人釋髡殘道士朱嶽雲

其人十有

五齒皆古稀度多君牛耳執張筵踵故步其中三少年局

外意如慕老者十人耳今昔嗟殊趣別來未一年又弱輪

前數讀君同譜圖感觸淚如雨三過終成墟盛衰圻者悟

君索題乙丑同年會圖彭春農記中謂初會十八有酒及

時醉期君且小住西湖亦非家縱行何必遽君言去必來

來亦春光誤德星五百里彪列有時曙不見天寶人尊前

惟我故

入古餘會者十七年來惟予在耳

漫興

一徑紆迴入闊阿重扉寂歷閉烟蘿左圖右史充茅屋萬

紫千紅絢綠波

溪上新栽百卉

頓覺桑榆春意滿敢誇桃李將門

多

門有將相宜樹桃李見隋書

琴牀劍匣添精婢待製新詞教慢歌

錢文端公有高廟賜杖題曰萬年天子賜九秩

老臣扶及文孫潤齋中丞年八十五復有題字曾

孫石葉少府將遊桂林以杖寄存吾齋漫書二絕

爲券

靈壽曾聞賜孔光家風奕葉壽而康國恩世澤同千古

珍重傳觀到草堂

不怕成龍去汗漫花田竹徑日盤桓小臣七十滄江臥亦
拜君恩一釣竿

悼亡八首

伶俜本似可憐花憂患紛乘病日加疾已膏盲添哭子命
垂呼吸尙持家杯羹不辨兒身肉

兒子祿名女嘉名先後割股

醫藥難

靈佛鼎茶

僕軍禱神用佛前爐灰烹茶以進

誰料恩恩成永訣崦嵫返景

勝朝霞

君歿之前夕已轉危而安

也識工愁強自排備嘗艱苦命何乖一身并白門庭賴萬

里關河雨雪借無米炊成餘瘦骨牽蘿屋補牘荆釵算來

畢世眉常皺只有親前暫展懷

予守備京江距里甚近嘗迎外姑一至官舍

負負頻呼悔恨遲回頭何事不增悲官聲無恙資賢助子

職兼供慰旅羈

予在官于役南北洎落職後客遊燕齊君屢勉有無克盡孝養

一室琴書

心萬古十年朔漠鬢千絲最憐暑夜親湯藥竟月曾無解

帶時

予三江廣州兩次病危俱賴君竭力調護以安

戚黨驚聞其失聲咸誇淑慧自天生故鄉未識悲孤露

長昆陵未嘗一至海鹽

大事能肩訝老成

吾弟夫婦卒於粵西君攜一子一僕自塞外歸里爲

營窀穸挈遺孤姊弟三人撫育婚嫁

竭盡心力先塋諭葬坊亦君歸建好善何嘗思食報樂

施不是愛沽名豈知歸骨猶無計芻束紛紛益愴情

尋常小別尙相思意緒於今似醉癡草斷風廊迷屨印苔

延雪壁壞琴絲也知來日原無幾猶望纖軀漸可支回憶

流離烽火際君身還算太平時

哄夷聞石頭城家人襁被倉皇避地溧水

瘦影珊瑚寫不真元芝那駐玉顏春

君有元嶽采芝圖小影

難憑術

士魂相見長恨孤兒殮未親

時林名官粵西祿名于役泰州

獅窟烟霞淒

老病

予近養病獅子窟

鳳臺風雨怨荆榛

厝鳳臺門

翠屏有日雙題碣

幾度還爲酌酒人

以歸殯非易卜地翠屏山尚未營壙

小婢燈窗話黯然踏青繡憶買花鈿傷心歲歲鶯花度洗

面朝朝涕淚漣小鳥有情偏比翼雙魚無路到重泉空房

除夢何心入遺挂塵埋政二年

腸斷空箱壞鏤金無多遺墨重來禽淚痕忍觸殘緇帙藥

汁悲看舊錦衾半世竟孤偕老願萬言難寫悼亡心便教

日日營齋奠怎答親情海樣深

送章張星石

庚

相別無千里重來得幾秋抱琴辭幕府高詠上扁舟風雨

清湘夢鶯花茂苑遊西園珠履散誰數舊盟鷗

蓮亭將還武林行有日矣恩恩展期三日過別破蒲

團室畱飲盡歡且訂後約口占贈之

病鶴多應嬾上船

君有二鶴其一鍛羽

壺觴猶幸一周旋論交媿我

拙無補學道逢君老益堅此別不同千萬里重來合住二
三年休教猿鶴頻延伫記取蒲團未了緣

雨中石葉自眞州過別獅窟卽之桂林

已拚成遠別何幸忽相逢且聽空山雨重看古寺松故人
多厚祿歸棹欲殘冬詩畫應雙絕奇觀得萬峯

題鳳仙秋蟲紈扇爲侯舫琴女史

金鳳雙飛入畫圖風前掩映玉肌膚指尖一點消紅豆白

紉而今記得無

一樣輕風送晚涼
小時情味最難忘
簸錢鬪草同歡笑
又探懷中絡緯娘

顧湘舟攜示所藏金石拓本暨同人題咏索題

千秋滾滾歎雲烟
半世江湖結墨緣
願子壽同金石永
知誰交比漆膠
堅重來江漲園荒地
正值梅黃艾綠天
漫向蜃樓尋舊夢
囊中畱取買碑錢

符南樵

葆森

茂才彭蠡湖雨中望廬山圖

好事多魔信有之
錦囊蠟屐怪來遲
先生轉笑髯蘇俗
未入廬山已有詩

猶記方干作導師

謂方茶山嘗爲九江太守

匡君畱我住天池
名山輕

別而今悔樹杪牽舡屋頂炊

黃穀原索爲屠元飲祛疾作小草庵第三圖因題其

第一圖穀原作也

石林茅屋養疴宜索畫書來歲月移樓閣今朝彈指現秋風不入杜陵詩

屠蘇後飲不成醺病骨支離奈老何半世經營一茅屋可憐辛苦擲江河

金臺一鶴條冲天調朱野雲奚畢鐵生焦麓東南痛九淵寄語黃癡

好將息千秋畫統要君傳

雷約軒白馬磯訪僧圖

溪聲淅淅雪皚皚喜見荒庵碧磻隈爲道打包乘月去不

妨蠟屐破雲來野人猶憶支公馬佛地偏尋處士梅我亦
山僧舊吟侶廿年詩夢繞蘇臺

大水後自西山還園

空堂且設虎皮韉檢點琴書一惘然避厄又將謀避債凌
雲閣名閣那復傲凌煙可堪荒徑餘衰柳誰料奇災甚去年卻
羨東鄰機軋軋牽蘿猶有賣珠錢

其道吾廬畫不如豈知蔣徑忽全蕪幻同閬苑花歸急貧
到文園壁立無十老風流飛鳥散百年生計亂蓬枯泉臺
倘復歸環佩覩此尤憐白髮孤

大水後黃子湘明府荆溪罷官過晤示以近作因贈
陽羨佳山水聞君此宦遊官貧逢歲歉人去獨詩畱再訪

青溪友多歸白玉樓奇歿餘病骨執手話從頭

知己情何極

謂制府陸公

偏親養未豐片帆方破浪平地忽翻

風心跡光秦鏡名場薄楚弓無田有椽筆詩句已窮工

孝牛行

婁縣天馬山北李德明家有牛產犢五年以其力
衰售於其鄰彭屠犢泣隨之將就刀犢嚙其縛而
逸屠追還再縛犢銜其刀竟嚼而吞之屠大驚屠
婦怒更出一刀犢觸婦狂叫衆環觀齊呼孝牛德
明心動還金歸牛而犢竟無恙楊子秉耜作孝牛
記示余乃爲歌之

天馬山頭有孝牛母子同欄四五秋主人多田厭牛老賣

牛得錢牛命休屠伯侵晨縛牛去孝牛犇隨泣如雨屠方
霍霍磨霜刀子嚙母縛母得逃屠追牛返縛逾固子急銜
刀無匿處計窮爛嚼刀竟吞屠伯大驚屠婦怒吾家豈止
屠刀一汝亦安能獨吞畢奮袂入廚擲刀出是時四鄰環
堵觀盡爲兩牛心膽寒孝牛觸婦走狂叫觀者齊呼孝牛
孝主人還金屠釋牛子隨母歸雙淚收刀雖在腹芻仍噬
誠孝格天堪風世牛耳那得 朝廷旌旌孝千秋孝牛記
賣牛者李屠者彭此是道光二十八年八月事

忠牛行

海州農野宿有虎來牛在側力觸之虎傷而去牛
力竭竟死農德牛廟祀之徐子卓有記

江南孝牛播萬口江北忠牛人罕聞一農一牛適野宿猛
虎突至他無人農先酣臥牛山立當虎蔽農危更急虎意
在農不在牛牛觸其脅傷其喉乃知虎猛非牛比負創驚
逃農免矣農方德牛益芻豆牛力雖強竭於鬪農生牛死
可憐忠卽今廟貌何豐崇嗚呼牛忠牛孝有如此惜不爲
人臣與子

義牛行

及門楊馥言白門南山有牛猝遇狼牧童方熟眠
牛背牛掀墮之力觸狼破腸而斃牛奔還腸掛其
角腥血淋漓童之劬見而大驚乃不見童疑牛致
童死刃之往跡屍所童固無恙具言狀狼則洞腹

其旁翁大悔創義牛廟祀之余方作忠孝兩牛詩
遂并及之

義牛乃在白下南山村村翁村童素習牛性馴出門信牛
步或眠或嚙或入羣牛羣一日獨行古澗濱白狼躍出南
山雲牛背童眠正酣穩此時惟有供狼吞牛掀童落狼前
撲牛觸狼身正中腹腹破腸流挂牛角奔還見翁若有訴
翁怪牛頭腸血污平時牛返童並歸童今豈非牛殺之翁
竟刃牛死牛不能言冤莫比倉皇出村落欲覓童屍還長
松夾澗竄古鼠童與鄰童逐隊方游觀喜童無恙又見狼
死旁乃知牛命屈悲悔徒傍徨血食千秋助名教道路爭
傳義牛廟精魂既安莫怨嗟不見華州冤牛死誰悼

司馬溫公

冤牛問華州有耕者枕犁而臥虎至牛力格之而逸耕者寤見牛離其怒而杖之牛奔盡力追得愈怒而殺之

姪孫世侗小字鐵牛予嘗作歌俟其長書與茲及門

宋生爲寫鐵牛圖因錄歌於後并附近作三牛詩俾知惕勵復歌以示之

鐵牛鐵牛健於牛頑似鐵頭角崢嶸雙眼漆凶年糠覈有
不足鐵牛十肉猶負腹朝朝入塾來牀前請兄跂足不及
肩不慮長成遲不愁讀書少但恐好尚非青瑣呼僮其作
傀儡舞背師獨學都虛緣不嫌愚且魯所惡怠與逸只貪
梨栗膝前多不教鴻鵠心頭滅爾祖貧官一硯無吾弟夫婦卒於
嶺西子女皆爾親捧檄又廢書書香欲絕誰當繼一髮干
幼遺物悉無鈞繫爾軀讀書第一希賢聖寸陰非爲科名競爾牛非牛

豈牛性牛不讀書知砥行我詩傳彼牛三仁人不如牛牛
笑人莫羞此卷寫爾真如牛乃得超人羣世途荊棘豺狼
紛禮門義路何人遵從來樂地推名教况爾忠臣孝子孫
題畫寄呈瑞郡王有引

西園主人禮賢下士愛才若渴方子小東秋賦南
還致聲徵畫讀近題拙畫詩有云世間俗手徒紛
紛神品獨數湯將軍墨消盾鼻綠沉臥園開琴隱
歸論文十丈吳綾乞君送欲築書堂起高棟將軍
爲寫江南山巒我平生臥遊夢獎許過分不覺汗
下既老且病觸不能前徒深知己之感而已

昔我故人子

丁誦孫學士

傳經忝

帝家早聞王七步安得侍

長沙今日梁園客重看蔣徑花殷勤傳好語知己恨天涯
西園無限好廊廟習山林雞犬容仙境鄒枚重賞音遙知
爲善暇獨有禮賢心寄與江南景相思畫裏尋

汪巢林

士慎

焦五斗

士紀

乾隆間揚州兩詩人也巢

林以詩乞水于五斗系以圖又有謝水之作張子
秋得其圖索題因次謝水韻

黃精無苗杜子美詞源直傾三峽水知音唯有謫仙人萬
古心聲憂宮徵玉川破屋殊清幽閉戶飲水吟高秋墨瀟
淋漓佳話在竹爐烟燼雲悠悠

題抱朴子像

昔拜衣冠冢

在羅浮

高吟一鶴聽遺書今日讀大夢幾人醒

教我開丹竈期君醉綠醺成仙縱無分亦作少微星
知否此須眉神清骨亦奇歲荒思辟穀何術使忘饑一笑
蒲團破多年竹杖疲無心遊五嶽相伴不相離

題獅窟畫獅

吁嗟獅窟久無主今日主之吾與汝腰鎌手插開蓬茅何
妨汝逸我獨勞百獸汝最尊四民吾最情世路多崎嶇不
如此中臥吾之窟乃澤國曰磬湖汝之窟非大食卽康居
抑烏戈波斯乎吾今老病歸不得汝歸則入職貢圖或言
爾我殊非偶不識忘形卽良友轟雷一吼驚萬人不如一
默全其真鄙哉麒麟楨徒紛紛君不見鳳凰有奇采息影
潛形動千載瑞應昂然重真宰

江南五僧咏

借庵 清恆

借庵八十餘食杏而甘之使徒種其核徒笑師何癡師今
八十餘乃待杏熟時豈知杏未熟徒壯先茶毘而師竟無
恙食杏核又滋師雖八十餘耽吟不知疲若云工導養思
慮恆傷脾而師獲壽考此理殊可疑師言我無術不過與
俗離

鷹巢 定志

襁褓棄道旁姓名莫知者前有寶誌奇後有鷹巢雅市人
畏酒狂謾罵知己寡千金一撒手胸有杜陵屐上下三千
年清談致瀟灑難逢栗里翁把臂東林社

六舟 達受

一生癖金石紙墨常隨身蒐奇神鬼遁涉險豺狼親國山
與塞鶴抉剔增遺文朝朝問奇字舟車盈寺門長沙二千
字王侯妬奇珍藏素師草書千文墨跡二本攜之京師有瑞郡王暨諸朝貴題字側聞小
綠天爭拜拜素人顏所居曰小綠天有拜素圖人人知六舟何處逃塵
氛金石有時泐聲名千載存懸榻嗟塵封別君四五春一
爲西湖主何日還逢君

髡殘 明明

髡齡守丹竈中年棄爲儒遨遊公卿間畫筆顧陸徒白頭
始皈依半畝開荒蕪所居不二庵本龔半于半畝園君葺治一新自號爲髡殘
無聊作詩奴避厄乃結鄰戊申大水同避居西山遊山欣不孤名心

滅不得垂死呼題圖哭君君豈知醉墨爲生芻予慨一聯云成了藝

傳了名出了家放得心撒得手眼得目耆會二十人惟餘吾病夫

覺阿祖觀

覺師性異人墮地不食肉青衿忽緇衣本元和然指無人

覺嘗於育王寺然卻一指種梅五百樹中間一茅屋卓錫白馬潤通濟庵築五百梅

花草吟聲雜松泉遊跡隨麋鹿憶昔與君交翩翩巾折角

杜遲若及第不過柳子玉籍籍千秋名天公與白足

東姚石甫瑩廉訪

病久一室羈有如蛙在井世事了不聞靜趣且默領言念

山中人書聲落松頂相去三里遙如隔萬重嶺寒鐘動故

宮殘夜知同醒憐君鄉思撓苦我愁魔梗何時載酒前醉

倒梅花影

輓陳花農 太占山人

倉山三十人花老耆英魁三年會三舉紛紛道山歸長干

直弧南星采奪斗台止園

君所居

好林壑南臨雨花臺杜門

倦登陟欲結樓崔巍召匠將經營匠云何必爲翁年八九

十遊眺能幾回翁亦笑頷之復召他匠來一朝見突兀紙

筆紛安排朝畫樓東嶺暮畫樓西厓高臺落窗底相對時

銜杯樓成七八載腰腳何曾頽今年九十五面目猶嬰孩

導我憑樓觀樓前梅正開贈我南極翁長頭雙白眉始翁

自寫照冀我壽與偕我方營別墅蓬華資光輝固知道旅

耳亦思稍徘徊正擬東諸老煮茗相追陪城北侯

青甫八十五

與沈

禮田

城南廬

止泉八

馬

鞠村八

崔

春泉八

彈琴賦新

詩徜徉水竹隈人天忽焉隔存者遭奇災城市爲江湖四

野哀鴻哀生存何足貴蓬島遨遊誰翳樓旣長別我墅居

幾時期願不免死仰天行自悲

白門大療耳目所及輒記一詩名之曰九歌

愁霖百日江湖溢八百蛟龍爭出穴千山奔瀑勢建瓴一

時并入金陵城中縱有山高處一把茅無何處住慈航

難覓金仙慈一壺竟有千金時

水不生木乃殺木中庭一日失萬緣怪哉四壁生浮萍但

見扁舟入茅屋屋底男呻復女吟潮頭七尺八尺深朝來

去入流民隊琴劍書籍一齊碎

桃葉渡迷燈舫斷竹枝孃去歌樓空花驄無路蕩子死板
橋不見欄杆紅游僧無處尋鷺峰

寺名

蔣山欲入蛟龍宮病

夫一榻且偷活天意尙畱獅子窟

家家雞犬上屋脊禽畜雖微命自惜圖財捨命傷貧乏不
死于水死于法伊誰瑟縮哀鴻中嗟來不食號蒼穹昨日
華堂尙開宴錦衣繡幕嫌西風

東鄰屋倒夫婦死西舍牆崩喪母子洗頭盆小嬰兒蹲流
出牆頭翻入水是誰山積方磚餅束去西來一雙艇但聞
哭聲不見人那知出入人無門

桐棺顛倒隨狂流一半翻落松樹頭棟梁結筏誰華屋漁
翁漁婦乘潮收前圩衝破後圩怖敢怨先人卜居誤可憐

鴉鵲猶無巢舉頭祇有青天高

少婦騎危抱兒乳低頭更無一塊土
衣裙沾溼傾盆雨
過誰移一筏來救婦言須棄汝
孩擲孩涕泣隨城隈
不知已作秋胡婦賣婦錢歸救婦手

斗米今年五百錢湘漢累月無來船
船來猶易錢難貸
十旬不見人家烟禪堂道院餓鬼
獄滿地縱橫真可憐
發帑開倉有明詔饑民日日沿街倒

災歉頻仍大疫繼羣醫各飽纏腰利
殺人如草日萬千
北邙一鋪無餘地不答醫庸咎天意
天意如何作善祥回頭
省過莫怨傷量氓從此長安康

哀江頭

十船九溺不溺破一望流屍萬千過巍然一櫓奔撞船船
破欣看櫓值錢衆力齊牽上船重此中物謝陽侯送誰知
中是三女郎一身密密縫衣裳羞出深閨逐萍寄姊妹花
枝悲共菱釵簪拔取拋洪濤揚帆賣櫓投江臯狂飈忽作
齊聲哭一瞬同舟並魚腹

花隱庵落成

琴隱無琴侶看花又共誰疎狂諧俗少老病養生遲逸興
松頭屐幽懷竹裏詩從今遠塵俗況有手中卮

老矣遊眞倦勞生閉戶安壁間雙蠟屐身外一蒲團花豔
山居富心空斗室寬知交拚笑謝車馬漫江干

欲于亭南溪上築一閣不得

平地何嘗不見山底須高閣費躋攀蕭寥只算雲林畫瘦
竹孤亭水一灣

花隱庵題壁

一室紅窗四面開花枝面面送香來看花只恐添詩債南
北東西日夜催

消受烟霞酒一壺叩門不過兩詩奴鄰僧炳炎泊予此中
方外弟子海蔭
高臥誰相擾除了青山夢亦無

九溪十八澗紀遊圖爲仲子湘湘茂才題戲用半至

萬字

溪九澗十八同遊四五人千峯雙屐斷一瞬百年陳二水
三山客長貧半死身七旬經萬里難忘六橋春

贈燕子磯陳翁嶧陽

茂桐

自古無風三尺浪何人不畏黃天蕩黃天雖險輸烏龍黃
頭絕技至此窮日日千人葬魚腹朝朝萬鬼朝龍宮此中
那有慈航渡從井從來人不顧陳翁勇義出至誠一葉親
操救無數不辭風雨江頭俟非獨救生還救死千家纍纍
臨江沱忍饑捨出良田多陳翁好善家非裕但博心安不
求譽白門屈指多素封誇翁重翁無助翁翁今七十腰腳
健食報知翁壽無算聞翁日坐磯上頭釣竿不羨珊瑚鉤
但願長江變平地盡營廣廈行人休

輓張同莊

珍泉

明府

驅車至太原麾蓋喧逆旅衆中始識君共道君詩虎執手

獨停驂掉頭迫趨府卅年獲班荆彼此謝簪組我來鄰謝
公君至依巖武青山愛客佳嘉會及時舉燈火徹樓臺笙
歌盛尊俎一看茂苑花再曳秦淮舫良緣頗不淺此別乃
今古君年乍周甲鶯燕猶君侶東坡海外歸謫死知譌語
人言不必真重逢天或許

君病我未聞君逝計不至君友亦無書

謂榆樓
銅士

但願無其

事君遊輕萬里君詩甘苦備籠紗豈足豪覆瓿亦堪畏或
云買笑資益作名山計詎知身後名不若生前醉才名與
官職無非造物忌不思只九泉賢愚必投畀奚戴老病貧
平生篤交誼哭君必有詩早晚應相寄孫郎坡月客洪都思
君亦情摯書來頻問君不知君已逝亦有患難交兼申車

笠誓君死誰相聞世情無足怪有子幸克家無人嗟葛帔

琴隱園詩集卷三十四終

琴隱園詩集

卷三十四

七

琴隱園詩集卷三十五

武進 湯貽汾 雨生

獅窟集

庚戌年七十三

偶讀少游梅花詩和者東坡子由山谷參寥而二蘇
又和參寥一韻七章工力悉敵因追次其韻自題

墨梅

心同灰死形木槁但見梅花必醉倒種梅百本臨清池何
期忽惹蛟龍惱頻年苦悼澤鴻哀不識我梅枯已早松竹
多情殉其友無人更道園林好消寒雅會已歇絕冷雲敗
葉誰還掃陶谷能仁費屐筇

陶谷卽貞白故居能仁寺名
各有老梅一株相傳六朝物

去予居皆遠
不能數至
可憐腰腳慵欺老
相思且向筆頭看
夢裏相

逢真草草何時
獅窟變孤山高臥
春風謝蒼昊
予以頻年

園不復補梅獅窟最高
新營別墅擬種梅百本

薛方山應旂先生行書詩跡題後

吾鄉閩閩首推薛
勝國時吾鄉望族以
薛白楊唐四姓為最
不獨簪纓綿不絕

儒林山斗方山翁
濂洛薪傳移世風
一官盤錯擲敝屣
白

髮青瓊歸故里
先生以浙江慈谿令忤上官改職累遷
至吏部郎中忤嚴嵩降建昌通判又累遷

至浙江提學副使
仍以忤上官改鄉延
兵備道復被議歸講學著書終身不輟
兒孫骨鯁成家風

奕葉名臣照青史
子近克浙江河南布政以清介絕俗聞
孫敷教以吳時來劾南御史王藩臣因

坑疏詆時來并侵
執政詔改教職旋遷助
教又以越南星被逐中救謫光州學正
翁詩翁書風未

見三百年過疾於電
其時強項正移官
苜蓿甘心語非怨

卷中先生曾孫恒跋云先生年譜嘉靖十五年丙申爲終
祭令鄭守忌才上下齟齬改教職此卷丙申八月所書正
其時也手澤流傳笏硯過珠還璧返珍如何滄桑變易此無
恙片紙安知呵護多先生孫兵備公跋云此卷流落震間
購得之近年先生裔乞題于李
申耆太史太史捐館失而復得白門幾歲江潮惡書畫蛟
龍盡爭攫不辭跋涉來徵題多畱又恐投馮夷雪夜挑燈
炙龜手再拜三薰忝書後故家喬木盡摧殘此紙居然長
不朽

板橋

綠楊依舊板橋東解佩題紋往事空七字不黏脂粉氣四
弦獨絕綺羅叢尊前玉樹悲商女腕底紅蘭笑所翁一自
鴟夷煙水杳夢魂飄斷鯉魚風

獅窟作

雲深不礙一枝藤
虛室時還樂曲肱
醉是家鄉詩長物
花爲美眷月良朋
兒孫也得青山住
雞犬都期白日昇
靜掩松扉人跡斷
談禪猶愛隔溪僧

嶽雲羽士衝寒枉顧以詩見貽次韻

患難朋儔盡重逢
虎口餘琴書遺劫後
風景異交初老去
兒童侮貧來骨肉
疎更誰頻念我冰
雪枉巾車

白題畫松

獨立空山自寡儔
只應古鶴記春秋
怪他拔地驚天手
也學衰翁不出頭

陳龍巖

輯

少尹之官棗陽見過索畫龍巖草堂圖

九十九岡頭勞人萬古愁怪君行作吏澹蕩似閒鷗野史
亭前月龍巖草堂君杭州禹園也中有南野史亭春風江上舟自來詩思好一
字一千秋

索我草堂圖圖成似也無萬花園几榻四壁納江湖忽袖
新詩本言尋舊酒徒謂高陽池不辭千里別來去有雙鳬

野鶴一首贈朱石梅

野鶴一朝去三年無處尋聽泉疎竹裏待月古松陰此日
忽相見思君亦已深故巢憐我毀奮翮早無心

獅窟葺屋數椽種竹一區竹醉日偶成

范公憂天下無心治園第清獻陋室安不忍購鄰地旋馬
文靖居遂爲子孫計賤子何如人林邱獲天賜亭臺日以

增未免侈且麗雙溪夾鏡明羣芳四時媚平生愛種竹當
軒樂清吹琴隱綠蔽天猶嫌渭川隘一朝失萬綠坐令草
堂廢喜茲鑿一窟重屏合深翠多君冒雨過共我今朝醉
園丁我素駝陳賜能事活百卉謹愿呂直儔厥功此尤大猶
餘門前路歲久小橋壞採石南山歸落成聊可記從今百
無事靜聽鳥聲碎亦有載酒來催詩或索畫入山雖不深
塵氛終不至

獅窟新居榜忠孝祠吾祖吾父書示子姪孫等七人
城市厭喧囂杜門窮巷久庭柯已拂雲忽作蛟龍數舉室
避倉皇木主負之走旣涸且共歸此變料亦偶哀鴻復徧
野貴賤悉蒙垢豪家選樓閣寒人闕岡阜山僧屋數弓促

膝三百口爭嚼西山薇婦孺病十九呻吟無已時垂死況
白叟豈唯俎豆虛瓣香絕辰酉吾今此誅萌宗廟宜先有
庶免再播遷子孫得長守吾祖與吾父忠孝兩不朽我昭
弟則穆百世忠孝後寄籍 天語煌煌道光王寅英夷犯白
世松周開麒寄籍之湯貽汾受國厚恩自必同深敵愾
著卽協同守禦撫慰人心貽汾自是擬置墓建祠于此
慚居始遷首殘書有千卷薄田無半畝箕裘望哲昆蘋蘩
賴賢婦松楸歲時省不過一杯酒先塋在江陰龍虎塘勿以世遠疎
咫尺聞雞狗我非不欲歸愛此花竹柳顏上原非家得歸
我額手

魚西水榭落成友人多載酒稱賀值風雨不止

吾園兩溪勝溪西雜菰蒲其上環崇岡荒冢爲人鋤岡前

不數武結屋聊觀魚養魚亦種藕消夏且讀書溪北有亭
廊相看均畫圖秋深藕花盡一橋不可無念此野人家應
絕長者車紛紛載酒來賀我何敢居君子多愛蓮厚誼及
屋烏此情良可感爲君傾一壺今夕是何夕四山風雨俱
泉流爭潺湲出谷成江湖竊恐蛟龍災昨歲同嗟吁吾今
博高臥頗爲公等虞茲山有古寺寺前堪結廬清池寬十
畝桃李數百株池旁饒沃土菰韭亦有餘鄰翁似不俗隔
籬時可呼世事紛如雲何苦疲形軀問君何時至佳釀先
爲儲

詩窟

昔年作詩窟門臨放生池池蓮四五畝骨肉偕娛嬉豈期

五十載詩窟復在茲池蓮日對酒仍從放生移放生魚已

老蓮則今無遺

今春移蓮放生池其夏池遂無蓮

怪哉放生蓮造物于我

私昔年作詩窟獅窟我未知一笑豈非譏冥冥已告之此
或夙緣耳惜值囊空時安能恣揮霍吐我胸中奇花南與
水北樓門明參差飽啜粥翁粥狂吟詩窟詩餘年亦足樂
何用神仙爲所痛板輿失兼抱鴿原悲顧影一身子井曰
還誰司豈無兒與女一一出世遲往事共誰語滄桑觀髻
絲花前勸卮酒嬌小憐楊枝回首五十年腸斷難爲辭

詩窟卽事

藕花風靜綠陰深空谷雲迷斷足音破曉流鶯宵促織晝
長祇爾獨低吟

謝友惠石

贈我岡南一片雲石交海內孰如君知君不屑點金術好
友非無李道殷

題金檜門

德瑛

總憲觀劇詩卅首遺墨

撲朔迷離夢幻身輪伊彩筆替傳神尙嫌世態描難盡描
到描摹世態人

不是鼇頭絕頂才九霄唾落萬瓊瑰風流漫認旗亭客曾
聽霓裳天上來

煙雲變幻太無窮顛盡宮花顧曲工有幾開元遺老在後
堂曾醉管絃中

無處重尋舊錦堂白頭誰與話滄桑悲歡賸有青山證五

十年前傀儡場

牛馬走

肘後金不肯擲髻上霜不得黑可憐老死無休息但見朝
南復暮北稚川丹砂步兵酒勸之不顧徒搖首碌碌自甘
牛馬走借問爲誰作馬牛兒孫肥馬僮輕裘

守錢虜

莫謂足穀翁逢凶穀出手莫學守錢虜至死錢堅守守錢
豈待兒孫揮鄧通自有餓死時世無卜式有劉毅問汝守
錢知不知奈何人與守錢識骨肉無情況親戚囊空日日
迫逼迫不見牆頭爨煙碧勸君且莫悲空囊君不見司農
仰屋倉無糧

井底蛙

井底蛙所見少井上天如鏡小井外安知有八表夏蟲難
語冰吳牛恆喘月誰責爾蛙能博物嗚呼蛟龍在淵有時
出爾蛙入井無出日出亦茫茫愁不活不如井底轉安便
世界安於處禪蝨

叩頭蟲

叩頭蟲何所求無求何苦日叩頭叩頭復誰顧不顧且遭
怒投界泥塗斃行路君不見剛蟲高奮摩霄翮肉食驚人
工搏擊又不見屎蟲一嘯生長風萬人辟易何其雄天公
生爾直戲爾除卻叩頭百無技笑倒亭邊卑腳犬有求不
過輕搖尾叩頭蟲爾休矣富貴須知到爾難埋頭盡向蓬

蒿裏

梁上燕

秋去春來梁上燕與汝參商是鴻雁雁不雲霄卽煙水傍
人門戶都非願雕梁一壞巢安託不壞還防小兒虐鴛鴦
閣翡翠樓紅絲一繫不自由落花飛絮相綢繆不識韶華
如水流

聞湖南告捷

白鵲飛綠蛇逝豎子登壇競兒戲朝聞露布夕傳檄日日
軍書教堅壁賊至村空白骨黑燼餘瓦礫通衢塞九重
宵旰懸憂懷捷書又道縛渠魁封侯不是尋常事前日烽
煙出死灰

緣園懷主人邢小尹

悔不當年此結鄰
奚童怪我去來頻
窮幽幾度迷山賊
守戶何時失野賓
嘗畜點蒼猿甚馴
夢裏尙酣金谷酒
卷中空貯玉樓人
期君早返駕湖棹
莫漫相思髻雪新

送袁薇生就婚袁浦

荻白楓丹路輕帆
到壻鄉秀眉增筆彩
瘦句發秋香
此別何時兄相思
今夜長醉鷗亭上
月照見合懽
懽之陰名醉鷗
觴予結亭于南溪之上

周仲超元輔青溪話舊圖

踏雪搏沙話也長
不堪風笛聽山陽
道南此日迷荒草
君是當年讌後堂
周保緒教授隱白下嘗割宅居予生從兩人遊焉

虛牝金銷夢醒遲青溪無恙柳絲絲舊時王謝風流甚尙
有堂前燕子知

盡道周郎顧曲工綠楊猶憶舊花驄秦淮風月眞無價有
幾當筵天寶翁

天香飄盡忽嫦娥天柱峯頭月色多歸去來兮休悵惘且
隨猿鶴守煙蘿

九日唐鏡海太常招同崔春泉侯青甫集頤園卽次

太常韻

且喜登高約頤園路不賒兩邊山接翠四座鬢爭華酒乃

辭彭澤

主人不飲

冠偏戀孟嘉

春泉獨不脫帽

去年輸此健矍鑠漫予

誇

去年九月日予臥病西山蘭若

頤園席上贈主人

冶城山畔多荒原瓜朋蒜友犁爲田自從鐵塔變灰燼無

人更識百丈泉唐侯愛泉此卜築閉戶飲水沉疴蠲

蠲病爲入

功德水

茲泉下有鐵人四然犀欲燭深森漫君家汲古有

修綆何慮百丈窮泉源曹倉鄴架左右列枕經菲史繩床

穿牆上雙峯日相見煙雲呼吸通鳳鸞疏篁奇石足幽賞

豪麗豈爭金谷園籬東菊色笑迎客四皓難得英同餐鄰

翁

崔春泉

九十健如虎登高賈勇尤昂然平生異迹伯勞燕

一朝萍合甯非緣問年未及彭祖半吾輩合作孩提看宦

成歸隱樂無事醉鄉自比塵寰寬此邦林壑信秀偉幾人

得暇徐游觀溯昔尊公執牛耳老人星聚常酡顏有觴必

咏倡必和後來嘉會長蟬聯張公八十興益劇麤材我愧
隨羣賢我時最少居最遠晨去往往宵分還後先十老我
獨在星移物換故紙殘獨吟獨酌病愁集老淚那免花前
彈唐陶山方伯與方茶山廉訪孫尹圃刺史黃可石奉政
張古餘瞿秩山兩觀察始爲耆會後古餘招予入會時
陶山茶山已仙去而錢益齋觀察任階平太史王竹嶼君
都轉預焉有青溪十老圖藏秩山家嘉會堂古餘居也君
不見六朝人物皆塵土幾度悲歡便今古菊殘又有梅花
開從君且醉三千回

九日頤園座上贈九十翁崔春泉並訂詩窟展重陽
之會

重九年年醉年年異主賓去年因病誤今日與君親夙世
六朝客全家百歲人君父瑞百歲母百四歲靈光復誰在嘉會莫辭

頻

花時多載酒詩窟者謝之以詩

眼底於今幾故知足音不絕是花期園林如畫須佳客風月常新要好詩此地蛟龍難處我他年魚鳥又親誰衰翁倍惜年光迅日醉千回也不辭

楊利叔茂才以風雪孤雅圖乞題蓋念其大母鄭太君早寡撫育寫以寄意予不禁感懷前跡聊賦短章

風雪寒如此孤踪悵失羣破巢同一轍前事痛踪君

懷奚榆樓茗上

一榻耽吟白了頭輸君安穩伴閒鷗

謂銅

琴尊倘續青鐙

話風雨還同碧浪遊事比落花隨逝水夢憑飛燕到高樓
相思命駕談何易老嬾音書也未酬

九月廿九日獅窟插菊作展重陽會會者春泉青甫

禮田鏡海

菊花開日卽重陽

東坡語

重作重陽菊始黃倍覺亭臺幽入

畫不愁籬落晚經霜清時止遂林泉樂雅集何嫌詩酒狂
後會休期梅信早此中羈住九秋長

次日同人就菊作蝴蝶會

春夢無痕蝴蝶老池亭冷落迷荒草短籬一夜霜花開竹
外煙消蝴蝶來蝴蝶低迷不成醉秋花不比春花媚花好
花殘得幾時何人不共花憔悴可憐蝴蝶有離愁瘦影隨

風不自由縱不江湖異庭院重來那是舊春秋

時袁薇生
之袁江張

子和之
京師

林兒以母憂服闋當之官桂林遲未卽發聞彼間不

靖朝命故督部林公

則徐

督師往勦兒遂有從戎

之志嘉其勇以詩送之

滿地荆榛苦荷戈妻孥那免涉江河元戎老去君恩重

小醜窮時猛士多家計艱難吾未已壯懷激烈命如何功

成早退歸休晚五十無兒感逝波

寄懷于蓮亭觀察

雙鯉浮沉又一秋夢魂無日不杭州頗聞仙佛成相契

君

元理近與六舟
上人結金石契

見說湖山也倦游夜雨清尊孫楚宅春風

玉笛謝孃樓別來蹤跡渾無定爲少煙霞舊侶儔

池臺獨酌懷亡兒

綬名

長生那得萬年枝思子臺登感髮絲何處青山客一鉤連
朝白菊送千卮孤蹤寂寞誰相問暮景蕭條爾不知賴此
雙溪風月好眉頭猶有放開時

舊僕陳

履

得雙鶴於海州欲遺予爲壽而爲族孫

世

錡

籠致沛上以遺其父

雙溪風月樂無邊怪爾都無飲啄緣昨夜翩翩猶入夢萬
梅花下玉闌前

儉歲行將賦采薇也知人瘦鶴難肥多他獻壽殊新異一
曲南飛變北飛

沈苑廬

清

觀察河朔訪碑圖

城南古寺秋蕭寥老僧對榻吟長宵片箋飛到恨見晚一
別廿年音信斷繡衣忽逐南飛鴻雪泥再踏欣重逢袖中
雲霧出紛郁大茂巖巒入茅屋潘郎畫筆仙乎仙星齋吊
公子
古心情尺幅傳使君惠政徧山澤勸織催耕必親歷露冕
經過雉鹿馴山靈獻出千奇珍字奇文奧間時代金遼而
上窮周秦誰知摘伏發奸手輒作捫苔剔蘚人井底觀天
管窺豹歐趙猶貽後人誚平生覩記我真疏祇有耽游忝
同調同調應推頤性翁並傳河朔浙西東阮相國有兩眼
浙金石記
中更有南屏老檀墨隨身足繭重六舟
上人名山管領宜名士
部民誰得匡君比三峽橋頭萬仞岡憑君千古畱名字畱

名知又何人訪不朽無愁滅榛莽莫論經濟與文章好古
如君世無兩憶昨長江湖入城書城不守蛟龍爭此圖豈
易壁歸趙竭力晶宮奪龍爪我詩遲報君莫瞋錄功還望
酬詩好

乾隆丙子吳浦山

士功

中丞提刑湖北提學陳未齋

浩

宮詹於閏九日贈詩招作展重陽之會閱七十

六年道光壬辰閏九日中丞之孫紅生

葆晉

太守

方官內閣招集同人追和前作乃作閏九誦芬圖

和者甚夥屬予繼聲

佳辰那得常逢閏雅集難期正值閒新咏又畱千古跡舊
遊都隔萬重山承先佳話勳名外來暮懽聲道路閒早識

頤園鴈菊會雙旌應也叩柴關

謂今年九月頤園雅集

二樵山館圖爲王二樵戲題

海內人傳兩二樵

嶺南黎二樵簡

兩山未結一重茅一樵仙去一

樵老祇有梅花憶故交

碧浪湖邊山館開山人日日畫寒梅可憐人與梅同瘦白

石何曾煮熟來

君畫梅法王元章

又題守瓢圖

幾卷殘書一鐵瓢

二樵有鐵瓢得之其友

漫嫌家具太蕭條此瓢還

付兒孫守一口清泉要福消

題栗園學詩圖

少小光陰似擲梭鯉庭無恙髻雙脩我承慈訓君嚴訓九

歲而孤學詩於先太一樣傷心廢蓼莪

夫人有寒窗課子圖
一生媿竊太倉粟忍見司農仰屋時
共道儒餐糠覈耳君家豈獨有西籬

甘祺人照大令種一切圖

憶昔登君津逮樓桓廚鄴架四壁列尊公風雅人中傑嗜
古好客世無匹花前酌我禮意誠左右圖書下酒物時君
秉鐸方登薦桃李紛紛種江甸有花不種河陽城歸來種
柳人爭羨十笏林邱行看子雨甲煙苗傍春水莫疑此老
學東陵是亦莊生寓言耳力耕方寸種百祥一切心造神
昭彰種瓜得瓜豆得豆日雨而雨暘而暘頻歲江南大潦
再農失其時商賈廢寒儒亦苦書田荒俗壞應知天示戒

還君斯圖三歎息禍福自求理不易不見君家兄弟承先
澤富貴俱由百善積但把斯圖勸世人種德人人皆食德

周韜甫

騰虎

管敬伯

晏

兩茂才皆故人子雪中跨驢

過訪畱飲盡歡索作驢雪訪山圖卽送之西江

風雪忽如此鄉音何處來故人悲宿草諸子羨奇才破浪
輕千里消寒且一杯良遊期後會米舫帶春回

欲遊獅窟約俟歸日

正及花時

七字生驢背千山走石頭豪情吞白墮

避暑錄話劉白墮酒曰騎驢酒

盡

筆媿營邱舊兩匡君在新詩翠壁畱歸應有餘興五嶽未

全遊

靖逆侯張公故居

華屋潭潭錦樣春繁華猶自說居民幸逢聖世成名易

豈料侯門易主頻青士尙知前代事烏衣可識後堂人越

臺歌舞還如夢誰向瓜畦訪隱淪侯裔秉樞襲爵後以散秩大臣官廣東副都統

罷歸京師以在粵畜歌伶被議嘗與予同官京江廣州

輓汪孟榮廉訪

更休雙鯉盼春明無限山陽笛裏情一疏披肝成絕筆君

歷外任郡國利病熟習胸中適十年回首負寒盟嘗訂還山結社

故園此日應歸鶴遺恨當年未斬鯨地下相逢半勳舊莫

須衝髮又談兵英夷內犯君意主剿每慷慨言之

戴銅士茂才以避債投繯詩以輓之

爲底名心冷似灰眉頭只對碧山開半生驥足詩魔繫一

死鴻毛債鬼催老友頻年空酒國騷壇此日在泉臺可憐

西崦春無恙三弄聲殘首怕回巖偕君與端木鶴田奚榆樓兒子壽民探梅西崦壽

民于梅林下撫梅花三弄一曲今唯榆樓與予在矣

王介甫彥和觀察灘江送別圖

圖畫猶出遠近看蕭然琴鶴下江干一官喜過二千石八

口幸離三百灘祇惜好山攜不去共稱賢守借都難吾家

四世鴻泥在欲笑鮎魚上竹竿族祖蓉溪公潯州守族父毅堂公廣藩司亡弟峻欽

權天河令皆未遷擢兒子林名桂林巡檢又廿餘年矣

胡燮堂沛封翁僧服像

居然老衲戀團蒲能否心中一事無且待恆河通寶筏任

君閉戶獨跏趺時偕君董濬河之役

借君一塵說無明驚夢何須百八聲只恐世人都錯認不
知此老是書生

琴隱園詩集卷三十五終

琴隱園詩集卷三十五

琴隱園詩集卷三十六

武進 湯貽汾 雨生

獅窟集

辛亥 年七十四

余年七十四復舉一子漫誌以詩兼示韋姬

當關聽報得雄頻老桂爭誇晚實珍

白傳暮年得子有秋月晚生丹桂實句

未免累吾仍課子還思見汝早成人傳家漫厭青氍毹故願

影真慚白髮新阿袞最嬌堪掌弄

李玉溪詩聞君來日下見我最嬌兒謂幼子阿

袞也白香山詩豈料鬢成雪

明珠恐不稱寒貧

杜彥之清溪來明府

二子詩珠明玉潤盡驚人不稱寒家不稱貧予友盧止

泉學正劉瀛客觀察並擅星命之學俱云此子必貴魁梧未必更聰明轉望頑愚易長成墮地直驚山岳重聞

琴隱園詩集卷三十六

一

啼頗喜鳳鸞清充閭誇竈都諛我畫荻尤熊恐累卿湯餅
會過春晝永天吳顛倒費經營

再示章姬

詩筒不斷賀生兒喚與春衣具酒卮子貴多資賢母教家
貧且助老夫支漫疑春水迎桃葉

近有贈予侍婢者來自如臯

肯怨東

風嫁柳枝

姬年十七予將遣嫁涕泣不從

笑我也無珠百琲休還餓損舊

腰肢

姬近減食

贈劉小卓騎尉

將星忽落妖氛騰南甯又下湖南兵終軍弱冠志請纓此
其時矣胡不行世無伯樂有韓幹駿骨昂然殊欸段錦幪
金絡雖尋常搖鞭不許遊冶郎愛日方長勿辭遠願君努

力加餐飯君才固是千里駒世路須知九折阪滄江一臥
媿白頭看人奮步追驂駟南山虎老射不得五嶽猶復思
窮遊君不見灞橋驢子函關牛

寄楸兒

武昌雙鯉來昇州云汝已過黃鶴樓

張甥仲遠令武昌兒道出其地衡陽

失卻東道主

擬留家人于衡今衡守伍仲常以憂去

八口那免危城投昨宵

夢汝印懸肘快見提戈戮羣醜別時羸瘦今何如努力無

忘忠孝後我雖孤寂解自寬晨昏賴有掌珠看

謂新育印兒更

有新來強意事不教絲竹輸東山

有楚人王彩能歌余劍人緣樂府願教演梨園

來年亮陰既免可使登場

魏舒四十始勤讀高適五十方耽吟汝幼不學悔無益及

今快惜分寸陰桂林況是山水窟豈有佳遊娛俗骨賊氛

不過彈指消文治方隆汝宜悉方今大帥我知己

李石樞宮保奉

命督師平粵

愛屋及烏汝應喜上馬殺賊知汝能不能草檄武

夫耳

犀首銜杯無事耳今當多事酒必止饒歌一唱將吏歡痛
飲黃龍固由爾五十無兒且莫悲加餐寡慾見義爲汝今
妻妾況年少壽考何慮兒生遲簿尉雖微亦民牧兵革之
餘氣難復襁負如雲惠政聞宦貧有此娛親足

題畫贈人

侵晨剝啄誰來也歲儉粥稀辟寒且故人裘馬麗以都自
有綈袍贈君者十指薑芽出袖遲高堂忽見雙松奇我畫

贈君君贈友誰能月致酒三斗

東坡題畫贈賈耘老曰有好事者能爲月致米三石

酒三斗終君之世者便以贈之見志林

寄朱嶽雲道士

時予得未疾

本無妻肉累況有鷺鷥儕花月江天好林園隱趣佳閒同
管城密病與杜康乖此境惟君共何時獅窟偕
獅窟紛遊履行愁花事闌池平連夜雨春釀十分寒身羨
移枝鵲心爭激石湍蹢躅猶倚戶不得暖蒲團

史琴山

孟和

太守囑作生傳口占奉答

埃壒甯甯泰岱崇不徒才盡媿文通文名君是今胡旦史
筆誰爭一代雄

胡旦晚年病目閒居史館共議作一貴侯傳其人少賤屠豕衆以爲諱之非實錄書

則難爲辭相與見旦旦曰何不云某少嘗操刀示有宰天下之志莫不欺服見澠水燕談錄太守以目疾致仕故以

胡旦
況之

鄰僧覺照有法孫寂通十四齡甚慧

會打清鐘會誦詩何年拾此墮巢兒喜添問字門僧小爲

報雞籠老阿師

參寥法孫照僧九歲爲東坡門僧雞鳴寺長老墨溪余方外弟子也

病不得至獅窟春將盡矣

蹢躅我轉羨飛蓬花國徒憑蝶夢通可惜天桃三百樹狂
飈一夜四山紅

幸有山僧早結鄰朝朝代款看花人一天紅雨櫻桃熟負

了今年土窟春

宋時酒名

向約唐鏡海獅窟花盛時邀飲今花事已闕而予病

未已詩以柬之

一榻支離夙約空看花已過廿番風卽今同歲惟君在應

笑吾眞夢得窮

東坡與馬夢得同歲謂是年生者莫窮於二子而夢得爲尤

寄孫月坡

何時柳三變得遇內都知飢吸西江水窮吟白雪詞有情
應我夢無補媿君師舊社多零落雙魚遠莫辭

雨淫江漲白門又將水阮議徒紛紛慨焉有作

兩月愁霖鳩亂啼秦淮新漲又平隄難忘白浪千門湧驚
見青山一日低蟻穴雨猶知早徙鵲巢風亦愛高樓一琴
一劍都吾累何易雲中度大難

偶檢亡友臨川樂蓮裳孝廉舊詞感題

琴劍蕭然落塞驢侯門早厭曳長裾蛾眉傾國緣何淺驥

足驤雲願久虛述異似排無鬼論好賢嘗薄絕交書自從
玉茗風流歇幾見樓臺七寶如

送鏡海太常奉 召入都

惱人春去又離羣倚杖花前悵夕曛鍛翮那堪成病鶴爲
霖豈料借閒雲兵戈孰可紓宸慮談笑公能靖寇氛只
恐彤廷資啟沃不煩耆舊領邊軍

太常旣次韻見答又疊韻畱別聞有迅卽來京之

旨或有剿寇之役也更疊韻送之

才調如公信帙羣吟箋三復到斜曛王程促迫如星火亭
館蕭條付水雲踰嶺以西皆熟路自天而下掃妖氛功成
早退花迎笑再整詞壇張酒軍

喜瞿綬伯

敬邦

太守歸自雁門因訂獅窟之遊

霜鵬塌翼欐馬死雁門之寒寒墮指回頭星紀條再周魂
夢猶僵雪積裏怪君五年羈館甥歸裝尙帶滹沱冰江南
春色已銷歇櫻筍猶足聯親朋老嬰未疾負遊屐青山自
好愁峻嶒別來倉山鑿一窟四時花簇雙溪明高低臺榭
東西亭我詩日夜其中生四山紫翠百鳥鳴視聽不俗賓
堪迎何當力疾選佳日爲君煮茗招鄰僧東南陸沉屍遍
野幾無寸土蘇編氓君家園池踞高隴亦復蕩漾通滄溟
遠遊雖免遷播苦千村荆杞還家驚吾園幸置青雲層數
椽不致蛟龍爭全家食指五六百乞庇僧舍閑空營連年
五月王子破樹頭山頂頻揚舲明年太歲況王子吾其魚

矣君焉行五月壬子破水打山頭過諺語也今年至甲揭

若移家傍吾窟吾亦茅廬再添結子孫長作桃源人有獼

數百株不問滄桑少離別

王益之奎光固山招飲半山寺寺為益之別業

謝公墩畔路蘭若亦翛然落葉和雲掃流泉帶雨煎多君

能愛客每醉必題箋作宦誰如樂林棲有俸錢

竹醉日種竹

既醉有時醒君來願也不地真非易得主亦大難求但足

一宵雨更增三徑幽華年風隕鐸清夢落江洲予守備三

日種竹即顏齋日竹醉出房忽忽四十餘年矣

秋日雨中至詩窟陳靜齋偕數客踵至

新詩慣愛此中尋
幾度衝泥踏屐臨
百道流泉爭一壑
四山飛雨戰千林
殘荷未盡暑先退
病客乍來秋已深
不是酒人連袂至
只應古佛對狂吟

偶檢孟麗堂都門爲予贈別書畫感題

東野窮工世罕如
白頭橐筆遍江湖
舊遊忍憶登高會
故

紙悲看送別圖
十六畫人憐我在

法時帆學士十六畫人歌一朱野雲鶴年二郎

余三朱滌齋文新四楊琴山湛思五吳雲海大翼七屠琴
塢倬八馬秋藥履泰九顧南雅純十盛甫山惇大十一郎
麗堂十二姚伯昂元之十三李薌甫秉銓芸甫秉綬兄
弟十四陳綠晴鏞十五張船山問陶十六陳受笙均
千珠履妬君無
君客李芸甫水部家
最久芸甫多食客
長康打剎金壺汁
龍尾名齊媿老夫
君與芸甫予三人合畫大幀彭
春農侍郎題之存廣州海幢寺

寄張春水

家具琴牀與藥籠眠餐只在水雲中對山突兀亭臺閣繞
徑芬敷紫翠紅泉石無非娛老物神仙不過煉丹功別來
腰腳猶羸健兩耳惟於世事聾

獅窟大雨偶成

一雨失千峯柴門斷客蹤亂泉爭絕壑駭浪出長松漸恐
災仍潦還愁賦不供昨聞開五壩城市盡蛟龍

閏八月九日偕陳岳樓

學

靜齋

姚西農

必成

周還

之

葆清

楊柳門

得春

汪龍溪集冶山第一樓預作

重陽未至者侯青甫劉書田

紹曾

馬石樵

堯年

分

得陽字

江城八月舉子忙交頭抵掌論文章高秋爽氣撲眉宇幾

人載酒遊徜徉冶山樓前風雨狂二客犯曉先登堂

岳樓靜齋

繼我至者客復四借題一醉非荒唐中秋未閏先重陽當

筵蠻榼傾芬芳

是會各攜二盃

題糕客是比鄰子隔離呼取謝不

遑

書田居山麓

少游欸段惜錦障侯芭毫學書城藏此會十人

三未至分箋忍負良辰良去年此日菊酒香頤園吟共崔

春侯

青鏡唐詩

唐公奉

詔趨明光崔老猝然歸北邙今年

我病菊未黃吟壇酬倡輸蛩蟹德星作合謝彼蒼吾衰安

肯廢吟觴治城樓閣翼兩旁高者不過齊女牆烏衣朱雀

在下方春秋士女爭翱翔斯樓據顛目千里雲山萬疊江

天長名曰第一實足當勝地得此名逾揚石頭城外千帆

檣仰視我輩猶仙鄉仙鄉只在醉鄉裏醉鄉樂地原非常

頻年蛟蜃不安宅人民魚鼈禾苗傷黃河又決三百丈豐

沛已入河中央斯樓岼嶮無滄桑山頭不慮過飛艍

五月

破水打山頭過諺語也連年皆壬子破竟有奇驗

只嫌廣廈願未償杜陵老死悲

空囊孤寒八百離井疆安得悉成同舍郎

近營冶城山館居同鄉秋試諸

君俾免賃費

銜杯且莫歌慷慨六朝宮觀荆榛荒劍池冶亭又

何許長春僅有燒丹房

明道士劉淵然有道術恆以丹藥活人封長春真人賜居西山道院

予葺而新之樓雖新構亦道院故址也

興來且盡今日樂詞源倒峽誰平強

贈張品珊

起鰓

卽書其畫橋碧陰冊子送還青浦

爲善孰不樂相憐髣雪催能成普渡佛必具濟川才此別

幾時見他年何事來好攜佳子弟齊看榜花開

品珊勇于爲善修廢

橋子孫振振
文譽日起

鉢山訪謙谷上人俟其清涼寺歸已抵暮矣

不見參寥久尋秋一叩關芙蓉酣夕照雉堞落遙山竹杖
聊支病清談且破閒那知鄰寺去慣逐暮雲還

靈應觀古栢歌

白門松栢多自齊梁遺參天千尺無足奇自從江潮入城
府存者什一遭斧斯龍潭古觀忽覩此不識生年幾甲子
直如建纛勢擎雲圓蔭亭亭訝孤峙古藤纏縛交蒼龍似
恐飛去難相從栢亦安之不知苦居然二老連枝同道人
語我此其稚大者狂飈摧仆地相傳此是南唐物藤亦千
年號雙絕前朝禱雨祀潭龍樹下千官會紳笏低徊未免
悲興亡可憐荒殿餘頽牆風景如斯足可惜宜築數椽同

柏堂昨聞我友欲結園亭此潭上

邵陽魏默深刺史

浣花風月甯

多讓不用依依憶漢南隔牆此卽草堂枺扶持定藉鄰翁
力雨露春深黛色添園成獵酒還相見願爲青士圖眞面
眼中喬木已無多畱取紺葉霜皮長不變

夜度峨嵋嶺

萬井聚炊煙煙雲上下連秋聲極天際暮色到林邊破廟
孤燐出籃輿一火懸夜遊山更寂詩興獨狂顛

閏八月二十九日同人醵飲獅窟預作重陽第二集

病夫蟄斗室詎願拋琴尊三徑迷蓬蒿今朝樂開軒芙蓉
四五朶齒苞三兩根流連得佳客點綴此荒園重陽亦已
近風日喜晴暄先期醉以須休辭老瓦盆無賓亦無主盤

殢紛至門烹葵復炊黍割鮮且捭豚治山舊蠟屐獅窟新
苔痕佳辰不易得雅集且辭煩不問秋則餞此會稱新翻
十日重陽逝縱展無由反隙駒不可繫浩歌莫聲吞有酒
有黃花此亦柴桑村身世渾相忘衰榮奚足論

九日同人冶山第一樓

今朝真到登高節翬翬扶藤遠莫辭嘉會不嫌衰病客清
遊肯負太平時三秋風月千杯酒六代江山數首詩此是
先生新畫本悲君幅幅看黃癡

時四面樓
窗洞開

歲歲今朝樂撚髭簪萸泛菊幾何時翠微車笠林鳥散

丁酉

九日偕陶雲汀制府陳芝樞中丞包慎伯大令齊梅麓太守黃穀原主簿顧竹琦文學程蕉雲水部同登翠微亭飲
江光一紅輦亭臺獵馬嘶
己巳九日偕法時帆祭酒盛甫
山典籍劉芙初太史吳蘭雪舍

人遊多園明日又添陳跡感此樓都道老夫癡憑闌獨憶頤園
叟未得還山共一卮去年九日唐鏡海太常頤園觴菊會者崔春泉山人侯青甫廣文與余四人

周還之一再次予獅窟雨中韻以貽青翁翁亦屢和

疊韻書後

短筇無日不幽尋暗把營邱粉本臨久以雲煙視身世不
教鐘鼎且山林琴樽雅會從今盛文字交情自古深消得
鳳凰池上客一回相見一回吟青翁主講鳳池還之嘗從肄業

九月二十五日旃檀僧澹然清涼僧崇敬招同青甫

集江光一綫閣澹公工書崇公善琴崇公乞詩追

憶舊遊遂書閣壁

幾度江潮入戶流，追歡難忘此山樓。
伯勞飛燕三千客，玉碗金魚十五秋。
丁酉九月，翠微亭登高，偕陶陳二公及同人飲此閣中，有圖咏紀遊。及今存者，予與慎伯竹、荷耳。
草素又茲招蠟屐，琴聰還憶近前騶。
翠微無恙重題壁，落木空山兩白頭。

青甫年八十七，未嘗一登翠微亭。
既至閣中，又爲風雨敗興，而予亦苦輭腳病，賈勇，不得不無詩。

浪跡千萬里，行年九十人。
亦知亭最勝，只道屨常親。
難得琴樽會，偏遭風雨辰。
山靈應一笑，欠我好詩頻。

病魔無計遣，傑閣苦蹢躅。
更畏石頭滑，尤嫌跬步艱。
魚龍秋水靜，樵牧暮天閒。
底用窮登陟，川原几席間。

九月廿九日，同人集獅窟，展重陽，分得九字。

春秋佳日宜招友自古詩人愛重九重九雖過例可展再
展剛成餞秋酒今年秋較常年久去亦疾於九脫手秋來
秋去悲秋人秋使秋人成白首年年高會年年友今年年
少去年叟去年此會集五老於此白下詩人盡在茲翰墨良緣洵非
偶醉吟忽動路人驚獅窟誰知詩虎吼重九重復重某年
某與某後五百載人知否不有詩篇誰在口雙溪千樹獨
家村獅窟額破褐高軒無不有咏觴足了餘生緣不慮荆榛
荒五畝君不見陶淵明輕五斗不是功名博不朽

陳樸園索詩

自有好園林豈少佳賓客問君踽踽獨何爲忍把黃金虛
叱擲南山樹盡縑不窮戰材一笑何人供此腹便便自不

負只愁萬卷拋龍宮令子才高工競病獅窟尋幽枉題贈
知君晚境蔗愈甘

樸園中
有蔗軒

積善之家有餘慶

鏡海太常蒙

恩還山主講歸日有詩見寄次韻

開軒一笑又東山妬煞承明侍從班見說金門重拜疏無
殊玉局乞投閒簪纓本是形骸累泉石何嘗造物慳不少
蒲輪超捷徑白頭猶望返童顏

謝金叟之

泰

見貽阿膠並惠詩

尙書清節後

君爲蘭畦
大司寇孫

風雅我良儔情重千金藥才高七

寶樓好同旗鼓整已共李桃投歲晚應無事消寒且倡酬

婢子婷婷年十二倩林如岡教之歌

不愛家翁百琲珠生來飛燕是纖軀後堂絲竹多年斷賺

取新詩讓妙奴

少遊贈陳令舉妙奴詩妙奴十
二正芬芳又音聲入雲能斷腸

十月十日同人集護國庵之來峯閣分得尾字

秋光去如駛重九展復已古無重十會會自我輩始分箋

十二人吳頭至楚尾秀句出深袖吟秋同此止傑閣何巍

巍清談殊娓娓回頭一瞬間絕跡十年矣玉版同參誰今

乃半爲鬼

胡廣文登吳太守繼
昌同飲此皆已捐館

怪哉閣中仙何時忽去此

閣中有仙
常降乩

萬井悲洪濤仙亦畏溺死琴聰幸無恙

德峯上
人工琴

題壁猶挂齒拙札玷精藍巧偷勞雅士伊蒲謝相勸又拂

銀光紙擲杖且舉杯已悟無言旨

十月二十日張子春

煦招集陶谷

山楮林緋畧約重簾輿又訪隱仙蹤慣儕鷗鷺閒消日肯

學蟲蛇逐蟄冬十月梅花春信逗一庭鶴迹凍雲封當筵

好景看無厭更愛鷺溪萬疊峯

獲觀藏畫數卷

題秦淮海集

萬死投荒鼎鑊餘海棠亭子當華胥可憐社癯瓢句不

復盤龍紙上書

先生謫橫州醉宿海棠亭畔祝氏家有詞云社盃釀成微笑半缺瘦瓢共名盤龍麥

光紙爲史官時賜物

七百年來說舊聞花前多愛唱微雲笑他端禮門前石也

是千秋不朽文

崇甯元年詔立黨人碑於端禮門

無福能消白首郎

元符三年復宣德郎赦還

藤陰一臥不還鄉一杯光

化亭邊水那滌平生塊磊腸

先生醉臥藤州光化亭索水未飲笑睨而逝嘗有好事近

詞云醉臥古藤陰下了不知南北人以爲識

贈李生悅山

錫光

國初以來名畫史南田麓臺石谷子黃

尊古張

君度宗蒼

玉川

吳虞山

蕭尺木

錢茶山

畢蕉麓

奚鐵生

不過傳燈數

人耳我交畫友盈人寰大抵家多吳越間行年八十忽遇
子北方之強驚必傳憶昔翁來領花縣橫經日在瑤琴畔
江山如畫不輕窺一棹瀟湘畫名擅

尊甫英度司馬先宰江甯繼宰湘陰君皆

隨侍

是真天授世罕有五嶽遊窮無敵手虛堂雲氣陰漫

漫雲夢原來吞八九老夫笑謝百不如病魔虐使霜毫枯
甘心讓子出頭地惟有一言多讀書

懷汪虎溪

求官莫如官縣丞隨事及物可裨世晦翁此語君然之熟

讀藍田廳壁記塗長歲過淮河水聞君尚在厯下亭姓名
已入薦賢笏前日黃龍口吐出

王子年七十五

題徐青藤畫冊爲吳平齋太守雲作

青藤畫筆真絕奇人所不畫我畫之僖父紛紛直取闢大
書青藤名欲盜世無瞽者此輩窮豈知真跡歸吳公

新葺秦淮水榭顏曰涼珠閣集白下同人作銷夏會

題壁五章

管絃聲裏舊詞場萬事回頭總斷腸二十四樓都易主更
無人與話滄桑

茶竈琴牀次第排爲貪煙水好

去

樓臺已看索畫催詩客

雙槩如飛載酒來

梟盧聲雜管絃音
襍穢喧呶樂不禁
夜夜鐙光明似晝
不
曾銷暑只銷金

六朝金粉歎飛塵
燕燕鶯鶯尙比鄰
畫舫錄成應紙貴
一時粉黛有傳人

珍重宵涼復曉涼
幾曾名紙到平康
賺人猜我風流甚
尙有明珠斛斛量

蔣子延

寶齡

所著墨林今話十八卷梓未及半而歿

令子仲籬

莖生

募貲刻成茲來索序因題

揮手人天隔遺編忽此投
君誠今顧陸我媿舊羊求
殘墨
白千古名賢總一邱
定文慚不敏藝苑有箕裘

憶昔兵戈際倉皇襪被來至今虛夙諾把卷有餘哀老病
君猶念風塵孰愛才全家均旅寄一笑且銜杯余僑居白門廿年仲
離居袁浦亦十年矣

書朱莊恪公手題四圖後

設粥廠

公守鎮遠大旱倡捐賑粥設廠於郭外鎮江寺全活
多人

設粥廠江寺寬攜兒挈女博一餐太守日至粥必乾不乾
不飽太守觀旱魃胡爲歲復歲米價珠昂薪亦桂太守忍
飢民感惠頌聲如沸同江流江流萬古無時休

平苗寨

鎮遠屬之黃平州革夷凡三寨寨四五百家會土司以革夷苗變告公單騎從十餘人至寨外令曰官捕祇某等五人餘勿問抗則無完卵矣總戎以兵繼之而苗衆已縛五人者出苗境自是獲安

平苗寨一寨五百家三寨連山錯犬牙爾苗聽吾語男婦不得譁逆命不過五人耳縛出庶免官家拏餘皆赤子愚可赦從此向化勤桑麻馬前忽聞悲乞命願隨太守還官衙五人共縛行同蛇諸苗羅拜重咨嗟一矢不折刃不加從容按轡看雲霞雄兵繼至笑拍掌慙愧無功受公賞太守書生勝吾黨

開南田

南田海島名長一百四十五里寬半之自明禁人耕
種國朝因之而沿海貧民仍多私墾公臬浙奉檄
至島驅之島民曰民等知罪特救死耳雖然每屆秋
成輒爲強暴所劫以違禁故不敢不忍公憫之議請
開禁升科並設文武兵役於島會擢甘藩而議以寢
賀中丞長齡見其議歎曰此民生利病不可廢爲采
入皇清經世文編

開南田田在島惜哉禁禾難禁草百五十里棄非小不禁
國課增島民得安飽設官禦寇島亦保詔必嘉之胡
不早煌煌經世編議雖未上文已傳民生國計公熟爛不
田何巖非人田

鑿山井

公官甘藩知會甯安定兩邑無井居民飲溪流輒病
其色紅以產硝故也故富者多畜雨水貧者就水四
方公捐金鑿井數十處民賴以無轉徙之患

鑿山井百丈不及泉富民儲雨貧烹淵淵流紅飲輒病
負如雲去無定移家就食儉歲常不聞就水奔異鄉異鄉
有水難齎糧紛紛客死公心傷一誠自古感金石萬嶺千
巖湧靈液無井水處亦頌公不作流民遠鄉國

喜猶子植名歸白長沙軍中以轉餉至彼同守陴八
十餘日賊退乃歸

自汝之襄漢音稀噩夢頻曾無縛雞力遽作請纓人月黑

絕城入霜寒握槊巡重勞同患難相慰並情親

余執友姚石甫廉訪

故人子周子儼觀察陸子受大令表第呂叔昆刺史皆同守長沙

一身當矢石半夜奪城關不是雲臺將應無嶽麓山

賊用地雷

攻陷長沙南門副將鄧紹良死戰獲全

卜箕疑死別把盞慶生還何異羌村

聚歔歔語險艱

寄憐兒桂林聞以守城敘勞遷州判

賞藍翎

人稀鳥絕關河塞羽檄浮沉衆堅壁枚占示吉中懷疑虎

穴何堪雜鴻跡

嘗奉檄慶遠柳州思恩市戰馬將軍

智勇雄無敵乃獨銜

杯對山色殺人如草萬戶焚三百六灘流水赤桂林不過

彈丸城呂公車下屍縱橫三十三日終哭聲始聞賊退人

心平時汝妻孥死復生若有天幸非人爭軍儲已費二千

萬全州何至全城傾瀟湘直下甯無兵胡爲不遏豺狼奔
國家養士二百載縱不猛銳馳驅能文忠忠魂在天上
得請於帝茲式憑賊懼必逃逃必滅衆奮豈患功無成從
來帷幄備諮詢頗聞折節羅豪英汝才雖下具敵愾何亦
緘默供譏評兒局司吾衰世事久拋忽黜陟不聞非一日自
汝從戎消息無數客忽驚排闥疾客言昨自 皇都來
丹詔新看汝遷秩紛紛共喜彈義冠顧影飄然榮勝鷗吾
方冀汝謝塵網菽水安貧守蓬華汝今方翔肯退飛料汝
自今中益熱僥倖當思報稱難無功切莫 恩重竊

題畫菊

種玉餐芝術不傳金丹下手更茫然陶公妙訣吾曾受但

聽松風自得仙

癸丑年七十六

目昏

一編如漆忽雙眸更恐看花霧不收有幾風流王彥若賺
人詩句爲千秋

東坡有贈眼
醫王彥若詩

二月十一日絕命詞

死生輕一擲忠義重千秋骨肉非吾棄兒孫好自謀故鄉
魂可到絕筆淚難收藁葬毋予慟平生積罪尤

琴隱園詩集卷三十六終

跋

貞愍公仁元隴之族叔次配之世父也讀其詩人矣讀其詩而不敢贊一詞亦久矣回憶數十年前公秉鉞四方仁亦江鄉奔走恆不相值付之想望而已迨公賦遂初寓白門仁適研食江甯藩解中二水三山春風秋雨嘗追隨於琴聲花韻間焉公名動海內而愛士憐才由於天性尤喜獎掖後進僚婿中待仁最優多所啟迪城北隅仁有別墅曰愛園凡一亭一池一樹一木得公之題咏位置者花鳥皆性靈烟雲皆筆墨也已酉歲傳秋屏中丞撫蘇移硯吳中遂與公別由此不數數觀癸丑歲楚氛惡偕當事者至秣陵作防堵計重見公於琴隱園中時警報紛至浮言四

起公侃侃談時事以報 國自命無去志越數日返吳
奉老母赴東越甫洗塵容而江南消息不堪復問嗚呼城
陷矣公死矣時有疑信參半謂公無官守竊冀其不死者
仁則不復作是想何則公之身必死於今日公之心先死
於十年前也前十年外夷犯順公奉

天子命與疆臣協防感恩圖報誓以身殉手書遺囑寄毘
陵家廟以城郭無恙獲免當時竊幸之噫當時幸之誰復
料而今證之也得凶耗爲位以哭涕淚縱橫知公死不可
復生所望者生平嘗讀之詩皆公心血不作劫灰不患不
傳諸世然望之而不敢必也造物待人固無厚薄似亦有
厚薄之時公以難蔭起家官至都督躬逢 盛世雅歌投

壺而又早歲乞休享林泉福天倫至樂風雅萃於一門以
他人得一不能者而造物於公皆不之靳況乎祖死忠父
死孝及身又忠孝兩全蒼蒼者若預畱一空前絕後之名
望家世非公莫屬可謂毫髮無遺憾若夫等身著作旣墮
茫茫大劫中鬼神呵護所不能及而欲出之水火藏之名
山不亦難哉不亦造物無所用其力哉迺公季子祿名從
間道出他無所攜惟先人詩稿卷而懷之悉無恙蓋公之
精神貫注千古雖浩劫亦無如何非造物待公獨厚正所
以報其忠孝也遺稿旣出急與韓履卿都轉吳平齋觀察
王研農徵君謀付剞劂祿名屬爲序仁敢以後季之瑣言
弁諸簡端乎然又敢以數十年嚮往默無一言乎猶憶公

年七十時同人謀釀金爲壽公謂仁曰祝吾之年而壽以
觴酒曷若傳吾之詩而壽之金石耶於是與侯青甫廣文
製啓以徵同志得金爲棗梨資刊刻校讐甫及半而變作
撫今思昔不勝慨然謹跋數語以誌顛末且以見廣陵散
猶在人間大非易易至於公詩之膾炙人口與夫文章事
業卓然爲傳人 國史館有傳懷忠錄有詩將終古在人
耳目間仁則仍不敢贊一詞也咸豐九年己未秋七月姪
婿曹秉仁愷堂甫謹跋

貞愍公集劖劖之役於茲三矣前之中道而阻詳於前跋
不復贅己未冬重刊甫竟因未修齊版存刻手王梅溪處
是役韓履卿主之故樂民賁出原稿及他處抄本皆交履
卿存勘庚申春粵匪犯蘇軍情日急履卿與當道諸君籌
防之不暇計不及此迨蘇城旣復履卿已歸道山梅溪又
莫可踪跡其原稿及重刊之板固皆付之劫灰矣猶幸當
時刻竟之後曾經刷印數部而欲先覩爲快者分攜而去
然屬之誰人亦不復記憶因念貞愍公忠義大節照耀千
古固不沾沾藉藉以傳其人惟一生心血所寓非惟不能
廣傳於世并其原稿失之則予之負公甚矣搜訪無由疚
心日切去歲晤吳平齋觀察知其當時分取一部尙存篋

笥急索示余驚喜交集隨與平翁倡集捐貲名匠付梓並
倩蔣心香部曹重加校閱集中祇刪去疊韻數首餘悉照
原刻刻之存其舊也嗚乎公之集兩付梨棗均敗於垂成
迄今歷二十餘年之久始得告藏是役良屬不易從此藏
之名山永傳勿替予可以少釋其疚矣刻旣成因復識數
語於卷後同治十有三年甲戌春日

士虎

謹再跋